



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

III. Responsio regis, & de excommunicatis sententia vniuersalis.

urn:nbn:de:hbz:466:1-15967

III.

ANNO
CHRISTI
893.

Nos igitur quibus regni cura, & solicitude eccl^{esi}iarum Christi commissa est, aliter regnum & imperium iure ecclesiastico regere & gubernare non possumus, nisi hos qui ecclesiam Christi, non

*Ephes. 5.**Psal. 138.**Math. 18.**Rom. 13.**Prov. 10.*

habentem, vt Apostolus ait, maculam, neque rugam, conturbant, zelo fidei persequamur, de quo rex Dauid testatur: *Nonne qui oderunt te Deus oderam illos, & super inimicos tuos tabesceram?* Persevero odio oderam illos, inimici facti sunt mihi. Et cum euangelium legeretur, audiuimus: *Si * te non audierit, sit tibi sicut ethnicus & publicanus.* Et alibi:

Qui percutit malos in eo quod mali sunt, minister Domini est. Idcirco non potentiam ostendentes, sed iustitiam exhibentes, præcipimus, & auctoritate nostra iniungimus omnibus regni nostri comitibus, postquam ab episcopis anathemate excommunicationis percelluntur, & tamen ad poenitendum non inclinantur, vt ab ipsis comprehendantur, & ante nos perferantur: vt qui diuina iudicia non ventrentur, humana sententia feriantur. Vnde per quemdam sapientem dictum est: *Rex qui sedet in folio iudicii, dissipat omne malum intuitu suo.* Si enim tam rebelles extiterint, vt comprehendentibus repugnare studuerint, & in tali temeritate interfici fuerint, iudicio episcoporum interfectoribus nulla imponatur poenitentia: & præcepto nostro,

^{* fort.}
^{eccl^{esi}um}
† vveregeld
defensionis
pecuniam
Germanice
significat,
& ita hic
videtur ac-
cipi.

† vveregeldi nulla ab eis extorqueatur compositio. Constringanturque proximi & eorum cognati cum iuramento, ne in illis eos vindicent, sed pacem ad eos & concordiam seruent.